

Bantu anak yatim tangani cabaran hidup

Seremban: Pelajar Universiti Sains Islam Malaysia (USIM) menyantuni anak yatim Rumah Anak-Anakku Sayang Ar-Rayyan di sini bagi memperkasa mereka dengan pengetahuan dan kemahiran berkaitan untuk mengharungi cabaran hidup.

Pengarah merangkap Presiden Kelab Sekretariat Rukun Negara (SRN) USIM, Nur Alif Hafiz Md Nordin, berkata 25 ahli persatuan itu mengadakan sesi kaunseling dan akademik, aktiviti perlumbaan (explorace) dan gotong-royong ketika mengadakan lawatan separuh hari ke rumah



Nur Alif Hafiz

kebajikan itu baru-baru ini.

Katanya, menerusi sesi kaunseling, pendekatan pengurusan tekanan diberikan sebagai panduan bagi kanak-kanak terbabit mengendalikan masalah dihadapi dengan

positif sementara pendedahan mengenai perkara asas ibadat pula dilaksana secara santai menerusi explorace.

Tuntutan agama

Katanya, kerja pembersihan seperti menyapu sampah dan mengelap tingkap

disempurnakan sebelum ahli SRN menghidangkan juadah makan tengah hari untuk dinikmati bersama-sama 20 penghuni rumah kebajikan itu.

"Program ini berjaya meningkatkan semangat kesukarelawanan peserta

selaras tuntutan agama supaya kita berbuat baik dan mengasihi sesama insan.

"Kedatangan kami disambut mesra oleh penghuni Rumah Anak-Anakku Sayang Ar-Rayyan yang jelas berasa dihargai apabila

mendapat perhatian dan keprihatinan daripada masyarakat," katanya.

Projek di bawah Program 1 SRN 1 Komuniti 1 Kasih Sayang itu dijayakan dengan kerjasannya Jabatan Perpaduan Negara dan Integrasi Nasional.



Pelajar USIM bersama-sama anak yatim Rumah Anak-Anakku Sayang Ar-Rayyan.